



Ovaj projekt financira Europska unija.

Ova publikacija je napravljena uz podršku Evropske unije. Za sadržaj publikacije odgovorno je Udruženje Vaša prava BiH.

Promoviranje antidiskriminacijskih zakona i prakse u Bosni i Hercegovini 2007 – 2008

SAŽETAK PROJEKTA

Projekat će trajati 24 mjeseca.

Sveukupni ciljevi projekta će biti:

a.) promoviranje usvajanja anti-diskriminacijske legislative, politika i prakse u BiH u cilju obezbjeđenja jednakog pristupa zaposlenju, obrazovanju i drugim pravima.

b.) povećanje kapaciteta civilnog društva da promovira anti-diskriminacijsku legislativu, politiku i praksu jačanjem ključnih pružatelja usluga koji će zagovarati promjene.

Specifični cilj projekta je:

Podići svijest u BiH, i na državnom i na lokalnim nivoima, o važnosti usvajanja i implementiranja anti-diskriminacijske legislative i politika i promovirati evropske pristupe anti-diskriminacijskoj legislativi i implementaciji.

Ciljane grupe su predlagači zakona koji su ključni igrači za reformu i civilno društvo, posebno Vaša prava BiH koja su od izuzetne važnosti i u smislu zagovaranja reforme i u obezbjeđenju efikasne implementacije i provođenja anti-diskriminacijskih zakona.

Projekat će implementirati **Public Interest Law Initiative** (PILI), u saradnji sa **Vaša Prava BiH**. Specifični cilj projekta će biti postignut kroz implementaciju dvije prateće komponente projektnih aktivnosti.

Projektne aktivnosti:

Projekat će obuhvatiti brojne aktivnosti dizajnirane da adresiraju specifične ciljeve angažovanjem aktera koji su uključeni u donošenje odluka na jednoj strani i pravnika, trenera, NVO-a i zagovarača na drugoj strani.

Projekat će se sprovoditi širom BiH. Radionice za zainteresovane strane će biti održane u Sarajevu i Banja Luci. Područja gdje će se održati treninzi će izabrati 4 regionalna sjedišta Vaših prava BiH: Sarajevo, Banja Luka, Tuzla i Mostar. Informativne kampanje će biti sprovedene u svim kancelarijama Vaših prava BiH.

1. Jedan dvodnevni trening o razvijanju strategija zagovaranja čiji je cilj maksimiziranje uticaja Vaših prava BiH na polju anti-diskriminacije. Fokus će biti stavljen na različite metode koje nisu parničenje, a koje NVO-i mogu upotrebljavati da izvrše pritisak na vlasti po pitanju reformi standarda i prakse. (maj 2007)

2. Vaših prava BiH će implementirati kampanju za podizanje javne svijesti u cilju jačanja prepoznatljivosti normi i primjene u BiH. (maj-decembar 2007)

3. Dvije jednodnevne radionice o anti-diskriminaciji za zainteresovane strane. Radionice će se fokusirati na inicijalno podizanje svijesti i angažovanje u ozbiljnim debatama na nivou predlagača zakona te facilitaciju dijaloga o anti-diskriminaciji. (oktobar-novembar 2007)

4. Dva dvodnevna treninga o strateškom parničanju vezanom za diskriminaciju čiji je cilj izgradnja kapaciteta Vaših prava BiH u strateškom parničanju na polju diskriminacije. (april 2008)

5. Konferencija o anti-diskriminaciji na državnom nivou da bi se potaknula politička volja za reformu, radilo na preporukama politike te dogovorio akcioni plan i konkretni koraci i mehanizmi za buduće inicijative reformi i projekata (npr. službena radna grupa, pilot projekti, koordinacija sa donatorima). (septembar 2008)

6. Proširenje PILI-jeve Baze podataka o anti-diskriminaciji i pravu na jednakost (DADEL), opsežna online kolekcija anti-diskriminacijskih materijala da bi se bolje informisale zainteresirane strane o relevantnim o pozitivnim anti-diskriminacijskim standardima širom Evrope. (u toku)

7. Omogućavanje učešća Vaših prava BiH na ENAR sastanku da bi omogućili razmjenu informacija i naučenih lekcija te doprinijeli razvoju zagovaranju anti-diskriminacije širom Evrope (početkom 2008)

Komponente projekta:

Prva komponenta projekta će se fokusirati na podizanje svijesti javnosti o anti-diskriminacijskim zakonima i politikama i promoviranje usvajanja i implementacije evropskih pristupa anti-diskriminacijskoj legislativi. Aktivnosti će biti poduzete i na državnom i na lokalnim nivoima. Na lokalnom nivou organizovat će se dva događaja obuhvatajući dvije usklađene

radionice za ključne zainteresirane strane i organizacije civilnog društva. Na državnom nivou bit će organizovana jedna konferencija koja će stvoriti forum za daljnje podizanje svijesti i izgradnju političke volje za reformu. PILI će omogućiti efikasno učešće Vaših prava BiH i drugih organizacija civilnog društva na ovom i drugim međunarodnim događajima i promovirati daljnje povezivanje i umrežavanje.

Druga komponenta projekta će se posebno fokusirati na potencijal Vaših prava BiH da igraju ključnu ulogu i u smislu zagovaranja reforme i u smislu obezbjeđivanja efikasne implementacije i primjene anti-diskriminacijskih normi. Da bi se ojačao kapacitet Vaših prava BiH organizovat će se serija trening sesija o evropskoj anti-diskriminacijskoj legislativi i strateškom vođenju kampanja, strateškom parničanju i razvijanju strategija zagovaranja. PILI i drugi evropski stručnjaci će pružiti tehničke savjete i pomoć tokom trajanja projekta. Putem ovog procesa i koristeći resurse svoje mreže Vaša prava BiH će iznijeti izuzetno interesantne slučajeve da se testiraju postojeća anti-diskriminacijska legislativa i politike kao sredstva za promoviranje reforme. Nakon treninga, Vaša prava BiH će provesti kampanju podizanja svijesti javnosti preko svoje mreže da bi omogućili lokalnim uredima da rade sa lokalnim zajednicama u borbi protiv diskriminacije.

Projekt će također raditi na jačanju sveukupnog kapaciteta civilnog društva da promovira anti-diskriminacijsku legislativu kroz vještine provođenja kampanja naučene tokom treninga kao i kroz direktnu saradnju sa osobljem Vaših prava BiH. Na treninzima će učestvovati oko 70-80% osoblja Vaših prava BiH i oko 20-30% drugih NVO-a. Kriteriji učešća NVO-a će obuhvaćati: 1 ili 2 godine postojanja; aktivni rad na polju prava; održivost njihovih aktivnosti. Dodatno, kapacitet civilnog društva da promovira anti-diskriminacijsku legislativu bit će ojačan informacijama o komparativnim evropskim najboljim praksama u regulisanju diskriminatornog ponašanja, koje će biti podijeljene tokom treninga i uvedene u informativne kampanje.

Projekt će stvoriti neophodne forume kroz koje će se moći diskutovati o ključnim pitanjima, promovirati interkulturalno i interetničko razumijevanje te diskutovati o odgovarajućim metodologijama da bi se to postiglo. Prava spolova i prava djece će biti posebno adresirana pozivanjem na radionicu evropskih stručnjaka po ovim pitanjima i osiguravajući da su ta pitanja integrirana u implementaciju projekta.

Kroz uspješnu implementaciju ovih komponenti, projekt će postići specifični cilj i podići svijest predlagača zakona i civilnog društva u BiH vezano za važnost usvajanja i implementacije anti-diskriminacijske legislative i politika, uz upotrebu modela i iskustva Evropske Unije.